

四庫全書

史部

欽定四庫全書

史部

貴州通志卷四十五

詳校官監察御史_臣徐如澍

刑部郎中_臣許兆椿覆勘

總校官編修_臣倉聖脉

校對官中書_臣吳甸華

謄錄監生_臣張曾秀

欽定四庫全書

貴州通志卷四十五

藝文

五言律

唐

送崔員外黔中監選

綦母潛

持衡出帝畿
星指夜郎飛
神女雲迎馬
荆門雨濕衣
聽猿收淚罷
繫鴈待書稀
蠻貊雖殊俗
知君肝

膽微

送上官侍御赴黔

李嘉祐

莫向黔中路令人到欲迷
水聲巫峽裏山色夜郎西
樹隔朝雲合猿窺曉月啼
南方饒翠羽知爾飲清溪

送侯侍御黔中充判官

劉長卿

不識黔中道今看遣使臣
猿啼萬里路鳥似五湖人
地遠官無法山深俗豈淳
須令荒徼外亦解懼

埋輪

黔中書事

竇羣

萬事非京國
千山擁麗譙
佩刀看日曬
賜馬傍江調
言語多重譯
壺觴每獨謠
沿流如著翅
不敢問歸橈

寄黔府竇中丞

羊士諤

漢臣旌節貴
萬里護牂柯
夏月天無暑
秋風水可波
朝衣蟠艾綬
戎幕偃雕戈
滿歲歸龍闕
良哉佇

作歌

初離黔中泊江上

李頻

去去把青桂平生心不違
更蒙蓮府辟兼脫布衣
歸霽岳明殘雪清波漾
落暉無窮幽鳥戲時向棹
前飛

黔中酬同院韋判官

李頻

平生同所爲相遇偶然遲
各著青袍後無歸白社
期江流來絕域府地管諸夷
聖代都無事從公且

賦詩

自黔中東歸旅次淮上

李頻

行旅本同愁黔吳復阻修
半年方中路窮節到孤
舟夕靄垂陰野晨光動積流
家山一夜夢便是昔
年遊

黔中罷職過峽州題田使君北樓

李頻

巴中初去日已過使君留
及得尋東道還陪上北
樓江衝巫峽出橋過洛宮
收好是從戎罷看山覺

自由

寄黔南李校書

許棠

從戎巫峽外吟興更應多
郡響蠻江漲山昏蜀雨
過公筵饒越味俗土尚巴歌
中夜懷吳夢知經灩
潏波

送人尉黔中

周繇

盤山行幾驛水道復通巴
峽漲三川雪園開四季
花公庭飛白鳥官俸請丹砂
知尉黔中後高吟採

物華

宋

送鮮于秘丞通判黔州

梅堯臣

壺頭山下俗巴婦曲中聽汲井熬鹽白燒田種穀
青巖風來虎嘯江雨過龍腥事簡能談者揚雄所

草經

元

貴州

范梈

離思久不愜幽情晚旋添天宜明月獨山與宿雲
兼蛩語通支柱蛛絲映捲簾若無光霽在何以破

朱炎

明

和祁順遊西峽韻

周瑛

溪洞入玲瓏尋山半是空松篁山鬼路烟雨水仙
宮人立紅塵外馬行綠水東忽聞黃太史詩句落
黔中

清平道中

杭淮

亦知春久去花尚滿陵岡小朵穿籬白微風過馬
香清平蒙伐罪苗穉識尊王鹽米通吳蜀人今無
異方

鎮遠喜即舟

杭淮

連山霧不開壑轉一溪廻洶洶奔湍下濛濛細雨
來巫山疑有峽灩澦不成堆撇旋看舟子乘流亦
快哉

元日新添喜晴

楊慎

白日臨元歲新雲放曉晴城窺冰壑迥樓射雪峯
明客鯉何時到賓鴻昨夜驚離心似蔓草處處逐
春生

平溪道中

何景明

徙倚平溪館天高秋氣清水螢光不定山籟響難
平夜火雲間戍寒松江上城終宵無夢寐高枕聽
灘聲

過鎮遠

何景明

地僻光搖落空亭長綠莎山川連蜀道市井雜夷歌
旅篋衣裳少秋程風雨多無人相問訊盡日撫寒柯

古郡青山下經過駐使車土官迎詔拜蠻客望城遮
壘嶂營孤壘清江繞百家晚來官署裏獨坐咏皇華

寥落古城池斜光照戍旗關臨苗子砦洞入長官

司殊俗終難近蠻音久易知踟躕暮江上又是仲

秋時

安南

何景明

崎嶇踰嶺路到郭已昏鐘城險苗難越關高賈不通郊烟秋牧馬崖日煖收蜂民俗殊中域生涯亦

頗同

查城十五夜對月

何景明

中秋看月色移席又前楹河漢三更沒關山萬里

明風烟依獨戍砧杵閉空城此夜高堂上多應念
遠征

天上何所有團團白玉盤可憐秋半月只是客中
看影直朱樓午輪高青瘴寒美人何處共光影隔
雲端

小市無兼味隣家酒亦慳佳期三五夕遠客萬重
山霄漢分秋色風塵照旅顏去年當此夜坐對紫
薇間

鎮遠署

徐九臯

迢迢沅浦曲轉入夜郎天路出浮雲上山懸飛蓋
前烟霏開遠戍林薄帶長川羽檄宵來急橫戈欲
按邊

過善化寺

夏言

月向潭中靜泉從雲外流寺門通徑曲樓閣傍崖
幽掃石懷留偈憑軒一散愁偶來得奇賞忘却入
遐甌

板橋

龍遂

行部當長夏停軒靜野埃暗雲侵座入橫翠度墻
來啼鳥窺戎旆飛花落酒杯蠻烟村市集物色足
徘徊

關索嶺

孫璽

萬里雲南路三年始得歸野梅渾破萼官柳半垂
絲嶺峻盤空險城尖疊石危邊江據形勝天畔控
諸夷

軍中酬焦學使過子思南別署有懷見寄

田汝成

誰道軍中樂徒勞物外吟朔風淒鼓角嘉節罷登
臨草閣依山迥江梅映雪深無由款高駕愁絕暮
雲心

烏蠻灘

田汝成

一葉中流下千山兩岸開鼉鼉吹浪轉燕雀受風
迴巨石迎船出啼猿近客哀從來輕險絕涉此寸

心摧

自炎方驛暮宿亦資孔

萬士和

遠道資人力扶持萬嶺中
仗隨徒隸亂輿放僕夫
空雲動嵐移黑霞收樹斂
紅祇貪趨館宿未暇泣
途窮

送陸給事燦謫都勻驛

黃甫沆

國論何年定鄉心此夕搖
鴈飛天畔驛龍隱日南
橋謫宦恩非薄居夷路詎
遥誰憐梁太傅淚灑漢

文朝

象鼻嶺

吳國倫

山形如象鼻，磴道擬蠶叢。
筏渡千崖底，車旋萬石中。
短亭微上月，鳴瀑遠生風。
白髮悲行險，乾坤一轉蓬。

署中登閣望雪

吳國倫

署閣擁城心，羣峯護玉林。
彤雲一夜合，積雪九夷深。
白髮寒相照，清樽欸自斟。
幽蘭意不淺，蕭瑟向

鳴琴

碧雲洞

吳國倫

何意盤江外乾坤更一丘却令驄馬使早爲碧雲
留煮石顏堪駐巢松蹟故幽種瓜成五色不忝邵
平侯

王闇齋先生隱居高真菴屬贈

吳國倫

不覩遺榮賦誰知好道心巢雲開石室采露入青
林遂與世人絕杳然仙路深浮丘如可遇吾意亦

招尋

夜過高真觀訪閤齋不值

吳國倫

爲覓遊仙侶重過禮斗壇
松雲閒寂蘿月護高寒
葉落疑捐珮泉鳴憶洗丹
盈庭霞似雪益作剡溪看

聖壽寺

孫應鰲

空城存古寺寂寞已無僧
獨有橫經客時分供佛
燈淡雲盤老桂寒日隱荒
藤斟酌談時事相看百

感增

平旦草堂詠懷

孫應鰲

中野霞千片前峯翠萬重
分襟披小草結屋倚高松
懶尚儲新釀貧爲具宿春
村居無外戶一任白雲封

雅歌軒除夕感懷

嚴清

更試終何補蹉跎忽歲除
長途憐四牡遠水憶雙魚
地瘠宜羈處官閒勝索居
棣花今欲韡矯首倍

躊躇

牂柯路

葛一龍

苦雨風淒淒
頑雲墮惡溪
警柝響晝堡
束薪防夜
蹊路從虎穴
出家愧鹿門
攜僕夫欣涉
水一洗沒脛泥

昨日

葛一龍

昨日度牂柯
神奇應接多
漆城新化石
碧牖下懸
河山鬼嘯風
去雲君乘雨
過晚從晴處
宿煖酒趁

苗歌

平越山中

葛一龍

不見鳥飛還只愁天壓山
泥行穿谷底火食到人
間澗影石千怪秋光花
一班偶聞譚過虎色變
戒前攀

月山寺

趙之屏

石透長溪雨人穿半壁烟
蠻村沒瘴草古寺斷荒
田世事愁為病浮生拙
是賢孤忠能自許彈鋏
動

高天

再憇飛雲巖

江盈科

郵亭依梵剎古壑傍人烟
泉滴渾疑雨崖浮不碍天
鮮深埋舊刻藤老長新顛
車馬重來日登臨憶往年

華嚴洞寺

江盈科

一壑藏幽境羣山繞梵宮
鳥窺僧竈飯猿掛洞門松
石溜晴疑雨爐烟午颺風
塵蹤憐碌碌小憇且

從容

觀音山絕頂

黃堂

荒林聳碧岑久坐靜禪心
不雨苔常濕無雲洞自
陰僧閒祇樹冷鳥語落花深
高陽有佐度支遁足
相尋

嵇公泉次李渭韻

李培初

選勝近魚峽題詩憶昔賢
披雲循古道倚石聽鳴
泉攀幽乘遠興問道愧流年
坐起前山月松高白

鶴眠

華嚴洞

史旌賢

古洞誰初闢
翛然無住心
偶緣丹竈入
因識白雲深
風鐸傳空谷
松鏡落梵音
賢愚如許輩
吾意正蕭森

文筆山

祁順

巨筆卓晴峯
天然制度工
雲霞粧五色
風雨助三紅
脫穎非囊底
生花似夢中
流年多少恨
終日漫

書空

飛雲巖

郭子章

萬丈闢巖扃浮雲去復停
幻裝螺髻碧巧綴石痕
青老樹清堪掬飛泉靜可聽
凭欄紆遠望暫博客
懷醒

靜黎洞

郭子章

皮林甫罷兵振旅入黃平
山繞猿聲近江環雉堞
清連空岩洞響向晚暮烟生
徙倚禪壇下憑欄寄

野情

雙明洞

黃閣

天外鍾佳勝，偏憐闢地開。
懸崖鳴一鳥，虛谷響如雷。
水自羣峯落，人從曲徑回。
寄言車馬客，知否是仙臺。

黔中雜咏

王士昌

南服天垂盡，銅標向此分。
洞中厖吠日，天半犢耕雲。
蠻語逢人譯，夷歌到處聞。
干戈新戰後，殘照幾

家村

極樂菴

黃龍光

正有塵勞苦來尋極樂菴
玻璃千佛照空寂萬山
涵香染蓮花妙僧依淨土
參何年仙子跡吹笛度
鸞驂

涵碧潭

李時華

一水繞山城曾將洗甲兵
秋波涵碧玉春漲點紅
英龍卧歸雲濕屣沉夜月
明寒潭深萬丈徹底本

來清

安莊夜聞警

謝三秀

輦鼓中宵急愁聞戰伐頻數家出灰燼一郡入荆榛
地亂難為客途窮耻傍人披衣待明發華髮鏡中新

村行即事

謝三秀

十里荒村路尋幽到薜蘿陂寒菰葉少籬晚豆花
多廢寺紛蟲網貧家靜雀羅老翁髭髮坐相對說

干戈

送吳使君攝八番郡事

謝三秀

才子飄零久
今看治郡功
地當三楚盡
山到八番雄
詞賦霜毫裏
桑麻露冕中
孤城饒吏隱
解帶聽松風

黎峨

甯相武

曠心投遠曙
四野接孤烟
隔樹湖光滿
穿雲瀑影懸
草香山氣合
苔古石痕連
夢境曾過此
應知有

夙緣

貴筑憇越孝廉別業

范 汭

結宇數峯間泓渟一水灣
谷風過午冷原樹入秋閒
苔動頰鱗戲花搖翠羽還
誰知于役者彌日此閒顏

讀鐵橋圖記

王思任

水折三江裏橋飛百濮間
化民無訟獄贈客有江山
制鐵龍能避銷兵虎自閒
金城方畧壯常鎮九

疑關

出黔途次漫興

尹仲

日日思歸去今成如此歸貪趨王儉府愧息丈人
機用舍從時論馳驅與願違生還差可喜風日駛
驂駢

渡鐵橋

楊繩武

屹立盤江許飛梁繫半空九臯來瑞鶴一澗飲長
虹翻浪鯨鯢吼奔雲車馬通我非題柱客蹤跡感

飄蓬

題鐵橋

陳士奇

瘴水春猶早炎方日未齊
虎當官路鬪猿掛驛樓
啼繩鎖金沙界橋飛乳洞
梯當年無寶筏腸斷夜
郎西

過安南

龍文光

絕頂見孤城征驂向曉行
鳥啼多異響花發不知
名石澗閒雲碓山田趁火
耕愁聞耆老說三月未

曾晴

碧雲洞

趙天佑

依舍千重樹連城百轉鶯勝遊常近郭吾意欲通
名竹色窮詞賦山靈識性情憑誰祈岳手爲寫輞
川屏

國朝

遊東山寺韻

黃敬璣

古刹東山上蕭條兵火餘秋聲連遠壑酒興滿幽

廬翠色當窓合雲光映座虛天涯正好客不必賦
無魚

秋日旅懷

李良年

懶作丘園卧幽尋住此邦漏知天近蜀低見斗垂
窓隔水聞寒杵疎籬帶遠江因風思舊隱新鴈幾
雙雙

平越禮斗亭

彭而述

何處覓丹鼎苔荒舊石梯陰林飛鳥過畫棟古蟲

題物色勞英主窮追到海西至今禮斗處俯瞰萬

山低

中河洞對月

張弘猷

月到招提靜清光隔岸看峯高輪影障水濶露華
溥暝色通幽徑春流響急湍坐聽鐘漏盡返照佛
樓寒

築邑城

丘元武

按轡城頭路參差石磴斜平雲連野水霜木俯官

衙風落天邊鴈秋悲日暮笳逢人多卉服珍重問
桑麻

中和寺

林華晚

山意諸天雨溪痕獨木橋
遡流知菜葉開徑折蘆
條寬接香泉到茶成禮樹
遙太平如不隔鐘鼓自
昏朝

暮秋遊照壁山

吳廷正

孤嶂開僧舍山門碧蘚侵
遊人不到處吾輩獨登

臨黃葉尊前樹
清秋客裡心
黔南風日好
只是憶山陰

平越道中望三丰影

潘馴

仙在山之後焉能預寫真
定知無色處先有不亡身
羽化亦已久茲形何尚新
始知惟肖者反是再來人

鎮遠舟行

彭始奮

到來黔地盡人語
隔溪東孤驛微茫裏
寒流隱見

中灘高常畏石舟小不須風寂寞何王殿岩花強

自紅

偏橋至鎮遠

張一鵠

有水可乘筏其如難渡何不辭車馬憊還怯虎狼
過楚水偏橋盡黔山平越多城陰最慘淡一路少

田禾

宿太平菴是日至新添衛

張一鵠

僕御荒疆少牂柯戰壘殘蟲迎秋作響水激石生

湍黑霧連雲暗青山背日寒莫言烟瘴苦久役厭
征鞍

炎方驛道中

高倬

秋色來何極遠山接近山松穿雲滴翠花過雨飛
斑鳥道烽烟外柴門蠶麤間盤江千萬轉祇自照
愁顏

鸚鵡寺

田雯

去地數千尺御風天際行空中鸚鵡寺何處鸚鵡

聲嵐漲羣峯
失霞鋪遠水
明前山雲不
斷片片馬蹄
生

送李遜五舍人

田雯

九月驚寒早
驅車別夜郎
青山遮馬首
紅葉壓行裝
蘆酒村葛賤
梅花驛館荒
金門臣朔飽
贈爾數櫝榔

秋日遊漏趵泉

衛旣齊

靈泉不盈掬
時縮復時盈
脉脉元精合
鱗鱗細浪

生似徵潮汐信因悟卷舒情徙倚塵機息凭欄欲濯纓

黔中雜咏

張履晉

賦難登禹貢版止隸周官無海魚鹽嗇重山虎豹
蟠司農煩粟帛開府集衣冠願覩垂裳化虞廷再
舞干

甲子三月貴陽汪使君載酒邀同吳參軍遊東山

黃元浩

共赴尋山約山行午欲晴
嶺腰猶接寺雨脚已離城
危磴苔衣滑繁花石縫生
到門參古佛鐘鼓半空鳴

醉與山門別無愁沾濕歸
急揮風色過截住雨聲飛
馬已辭青嶂僧猶立翠微
晚鐘崖上落回望思依依

遊憑虛洞

越 珮

一龕藏古洞陟磴探其幽
雲氣忽然合天風吹不

休險逾累黍力幻失五丁謀攬勝茲方始已居最
上籌

水月庵訪友

譚瑞

自昔繙經處重來伴客吟
編籬花滿徑傍水竹成林
鐘靜僧初定情空境自深
留連溪上月採取滌塵襟

水月庵

唐肇健

茲庵饒野趣四面俯連漪
客少苔蘚嫩僧慵佛火

遲茶厨依水結蓮座鑿山支靜極晨昏候梵聲雲
外吹

九日登東山

劉遠譽

欲將秋盡覽極力上崔嵬雁陣連雲結風濤逐樹
來捫碑觀舊句坐石掃蒼苔天氣重陽好迎人菊
正開

送許竹隱之任思州

汪琬

故國兵戈滿長途雨雪滋當予去官日值爾遠行

時芳草投書渚叢篁鼓瑟祠好從登眺處遙爲寄相思

萬聖山

許虬

丹砂勾漏覓絳雪更堪餐不借峨眉巔長依玉露盤
穿花麋角煖巢樹鶴裳寒簾捲先疑曉清光萬古傳

松歸寺

寺舊在深山
今臨新路

高其倬

溪色澄無滓嵐光翠欲流幾盤松外徑一牖竹間

樓鐘放依岩殷雲停爲客留髯僧同一笑蹤跡愧
藏舟

山家

高其倬

逕有於菟跡林多格磔音踈烟通屋角凸石露田
心懷土生涯薄謀家意念深依仁還望歲循政等
甘霖

普安道中

常安

水勢盤州好三溪匯一溪路窮山向背人倦驛高

低密樹遮輿憶飛雲襯馬蹄南中山磳硤日擬上
丹梯

再行龍里遇風雨

常安

一綫天開塹前峯接後峯寒崖飛白練空谷老青
松雨過秋容淡烟平驛路封重行雲膏裏衝破萬
千重

上元前三日遊黔靈山

晏斯盛

深窈同盤谷陰森少六塵探泉從曲折看竹每逡

巡簷積舊年雪堂開
元夜春餘寒怯中座
傾榼醉來頻

杳靄探何極嚴城近
可凭平疇流瀾瀾雉
堞齒稜稜梅柳猶含
雨松杉未脫冰行厨
烟散後天半有春燈

題來仙閣

錢元昌

朗吟人不識別却岳
陽樓直訪黔山勝無
如雪洞幽塵清開法
界機靜見瀛洲片刻
飛雲駐仙風萬

古流

傑閣凌虛構虔心祝辦香祥烟通四面爽氣接三
光欲迓乘雷駕先瞻渡海航自今來往數卽此是

仙鄉

排律

明

碧雲洞

孫應鰲

早罷荆門鎮言尋石戶耕風塵閒老眼丘壑淡秋

情忽枉騷人，剗深懷勝地。盟洞泉開，僻壤詞賦振。
韶龔一徑層林入，千巖曲竇平。軒窓含宿潤，箭括
引新晴。雪障羅青壁，霞標帶赤城。龍蟠潭隱隱，猿
嘯谷磳磳。五遯俱旌美，千奇不辨名。鬼神留斧鑿，
造化見生成。日淨沉朝彩，天澄起夜聲。蔚藍盤島嶼，
花鳥映空明。信矣遺塵世，悠然薄太清。念心思得象，
閱世欲餐英。何日褰裳去，同君策杖行。鉤玄舒雅況，
發興出高評。獨往探牛斗，相知洽弟兄。斯

遊如可遂豈羨接蓬瀛

太虛洞

韓仲雍

磴路逶迤上岩扉杳靄窺澄霞漾飛蓋新月隱橫
坻地主勤供帳山僧遠執羈燭天紛雉炬殷地動
鼉吹綠荔懸昔迴丹梯置足歆陰房愁涅袂溫室
競揚綦雪色疑佐乳烟光逗紫帷牀爲龍卧處穴
是鳳來時擁徑成三秀堆峯列九嶷玲瓏連不斷
迴曲到還離佛座輝珠絡仙臺暗碧滋雙林初止

觀六道宛低眉通氣理非謬雕形工若爲莫須驚
造物直欲問庖羲舉策家風劭無蹊國步奇勝情
輕捫陟名士暢追隨步幄重徵伎花宮再引庖接
羅拚倒著玉漏且催遲

玉池

趙鉞

疊石圍池水誅茅結舫亭偶然成野趣曠矣勝郊
坰開鑿何人力幽深本地靈兩堤新樹綠萬點舊
山青窈窕牛羊徑潏洄鷗鷺汀花繁添滉漾月出

照清泠心遠少塵事何須慕四溟

送周子賢按貴州

薛 蕙

萬里牂柯路炎洲百粵南懸梯穿鳥道流沫下龍潭
赤坂鼉鼉出玄厓日月含虹霓蒸海氣烟霧灑春嵐
飛猺緣篁竹垂猿墮石楠橘花香細細藤刺綠
參參嶺外青驄馭臺中白筆簪秦冠高鐵柱漢節
照金函行邁應多暇登臨素所耽江山吟謝客物
色助清談送遠都無緒憂時且不堪安危廷諍

地遲子促朝參

金芝亭

劉應麒

王師若時雨草木亦蕃滋
共道中丞署雙蟠五色
芝芬芳蘭卉葉掩映樹連枝
道路壺漿後轅門燕
喜時歌應階竇鼎茹可駐仙姿
蒟醬兼筇杖窮兵
空爾爲

七言律

唐

送王十五判官扶侍還黔中

杜 甫

大家東征逐子回風生洲渚錦帆開青青竹筍迎
船出白白江魚入饌來離別不堪無限意艱危須
仗濟時才黔陽信使應稀少莫怪頻頻勸酒杯

送義舟師却還黔南

並引

劉禹錫

黔之鄉在秦楚爲爭地近世人多過言其幽荒
以談笑聞者又從而張皇之猶夫束蘊逐原燎
或近乎語妖適有沙門義舟道黔江而來能畫

地爲山川及條其風俗纖悉可信且曰貧道以一錫遊他方衆矣至黔而不知其遠始遇前節使而聞今節使益賢而文故其佐多才士麾圍之下曳裾秉筆彬彬然與兔園同風蕃僧以外學嗜篇章時或攝衣爲末至客其來也約主人乘秋風而還今乞詞以颺之如捧意珠行住坐卧知相好耳余曰唯命筆爲七言以應之

黔江秋水漫雲霓獨泛慈航路不迷猿狖窺齋林

葉動蛟龍聞咒浪花低如蓮半偈心常悟問菊新
詩手自攜常說麾園似靈鷲却將山屐上丹梯

將赴黔州先寄本府中丞

李頻

八月瞿塘到底翻孤舟上得已消魂幕中職罷猶
趨府闕下官成未謝恩丹嶂聳空無過鳥青林覆
水有垂猿感知肺腑終難說從此辭歸便掃門

寄黔中王從事

羅隱

故人刀筆事軍書南轉黔江半月餘別後鄉關情

幾許近來詩酒興何如貪將醉袖吟鶯谷不把瑤
絨附鯉魚近日舉觴君莫問生涯牢落鬢蕭疎

元

過七星關

李京

七星關上一回頭遙望鄉關路阻修欲向雲山攀
北斗不辭鞍馬過南州兩厓斬壁連天起一水漂
花出洞流聞道清時無瘴癘行人經此不須愁

過牂柯江

李京

歸歟何日是真歸
慙媿山林與願違
垂老八千餘里謫
回頭四十九年非
窮邊野水黃雲渡
夢裏田家白板扉
珍重沙禽頻見下
也應知我久忘機

明

善應橋

沈 昂

飛石攢空若畫成
跨溪環洞巧經營
水從玉竦腰間過
人在金鰲背上行
應有素書堪進履
豈無駟馬更題名
適來偶倚危欄看
偏喜滄浪可濯纓

卷四十五
碧雲洞

楊 昇

山腰誰作洞門開，絕谷層巒亦壯哉。
滿地白雲無徑路，一溪流水隔塵埃。
欲從阮肇登仙去，曾見平叱石來勝覽於人隨處有，何須海上覓蓬萊。

碧雲洞

蔣宗魯

雲水南明萬象天，竒蹤異宇洞中玄。
瑤壇翠桂虬龍見，華蓋丹崖鵲旋澗。
道風泉開遠巘石門花，霧帶平川蓬瀛仙。
侶耽春勝對酌滄洲思爽然。

石阡書懷

祁順

男兒弧矢平生志，歷遍中華到石阡。
椎髻卉裳荒服地，劍牛刀犢太平年。
雨餘山翠開圖畫，夜靜泉聲落管絃。
俗客不來公事簡，倚窓頻和白雲篇。

木閣箚

王守仁

瘦馬支離緣絕塵，連峯窈窕入層雲。
山村樹暝鶩鴉陣，澗道雲深逢鹿羣。
凍合衡茅炊火斷，望迷孤塞暮笳聞。
正思講席諸賢在，絳蠟清醅坐夜分。

武侯祠

王守仁

隔水樵漁亦幾家
緣岡石徑入溪斜
松林晚映千峯雨
楓葉秋連萬樹霞
漸覺形骸忘物外
未妨遊樂在天涯
頻來不用勞僧榻
已借汀鷗一席沙

落日江波動客衣
水南綠竹見巖扉
漁人收網舟初集
野老忘機坐未歸
漸覺林間棲翼亂
想看天北暮雲飛
年年歲晚常爲客
閒殺西湖舊釣磯

六廣曉發

王守仁

初日瞳瞳似晚霞
雨痕新霽渡頭沙
溪深幾曲雲藏峽
樹老千年雪作花
白鳥去邊廻驛路
青崖缺處見人家
通行奇勝纔經此
江上無勞羨九華

過七盤嶺

王守仁

鳥道縈紆下七盤
古藤蒼木峽聲寒
境多奇絕非吾土
時可淹留是謫官
猶記邊烽傳羽檄
近聞苗俗化衣冠
投簪實有居夷志
垂白難承菽水歡

題興隆衛壁

王守仁



山城高下見樓臺
野戍參差暮角催
貴筑路從峯頂入
夜郎人自日邊來
鶯花夾道驚春老
雉堞連雲向晚開
尺素屢題還屢擲
衡南那有雁飛回

龍泉石徑

王守仁

水花如練落長松
雪際天橋隱白虹
遶鶴不來華表爛
仙人一去石樓空
徒聞鵲駕橫秋夕
漫說秦鞭到海東
移放長江還濟險
可憐虛却萬山中

元夕

王守仁

故園今夕是元宵獨向蠻村坐寂寥
賴有遺經堪作伴喜無車馬過相邀
春還草閣梅先動月滿虛庭雪未消
堂上花燈諸弟集重闌應念一身遥

南將軍廟

王守仁

死矣中丞莫漫疑孤城援絕久知危
賀蘭未滅空遺恨南八如生定有爲
風雨長廊嘶鐵馬松杉陰霧捲龍旗
英魂千載知何處歲歲邊翁賽旅祠
經盤江次劉元瑞韻

杭淮

踰岡陟嶺兼多病臘盡春來不記程瘴水已知多
客淚窮山只是有人行緣崖晝霧愁俱黑觸馬春
花眼一明西蜀未知天下險老夫筋力盡南征

重安江晚渡

夏言

重安江色清可憐江頭下馬渡江船黃茅野屋淡
秋日粉堞山城愁暮烟朱旗郵兵走相報繡衣使
者來行邊故人經年不見面何得萬里同尊前

烏撒衛九日

楊慎

百年身世苦辛行
九日登臨感慨生
鴻鴈未傳真
海信茱萸偏動蜀山情
空庭露白羣鴉散
古木霜黃獨鶴驚
尊酒相思搖落地
江湖不隔夢歸程

南庵

王訓

淨度招提舊結茅
地偏應不遠塵囂
山腰倒接城邊路
水口斜通閣外橋
深院落花無客掃
空門掩日有誰敲
忘懷好結蓮花社
分付山僧早見招

澄江閣

程燦

欲陟層巖路未通
凭欄覽盡郡中峯
前墟麥秀田家宅
隔岸芹香泮水宮
雨霽有聲生翠竹
日高無影覆蒼松
省耕偶向澄江閣
消受清涼一榻風

登香爐山

汪良

爐山之高入雲嶙峋壁立無支分
雄關未許容雙馬殺氣曾教走萬軍
林翠濕衣人不覺猿聲嘯壑客驚聞攀緣直到層巔立回首相將日已曛

安莊道中

何景明

處處人家空薜蘿幾年凋弊擾干戈山過白水峯
巖峻路入盤江瘴癘多嶺徼土風連百粵郊原人
語雜諸羅側身西望看銅柱此地曾經馬伏波

新興

何景明

蕭條窮巷掩荆扉立馬荒原見鳥飛城爲燒殘壓
市少地從戰後草萊肥燐生陰雨黃昏見鬼哭秋
山白日微却怪當年出師者豈無寸策達戎機
烏撒道中

萬士和

地當高處峯隨轉雲到窮時路更賒
夏半火刀方布種晚來牛馬不歸家
瘴烟寒鎖蠻村樹嵐霧晴迷客子槎
干羽未能馴鬼國祇貪關市中鹽茶

送劉員外使黔中

李攀龍

牂柯萬里越王臺北眺中原秋色來
江嶂忽分三楚斷海天不盡百蠻開
白雲使者乘輶過金馬祠官擁節廻
爲泛昆明誇上苑今知漢主自雄才

過盤江

杜拯

泛泛盤江三月天一蓬瘴雨夜郎船渡頭草樹雲
垂鎖袖裏檳榔客自憐太液恩波勞夢想劍池春
水隔風烟臨流此際情何限極目湘雲思渺然

過層臺驛

吳國倫

野潦奔鳴石徑斜疎林殘月見田家編籬半護邛
王竹築塢新移望帝花荒驛傍山連蜀道遠人重
譯問京華鄉音斷絕愁如夢何處高風急暮笳

過白崖驛

吳國倫

箐林幽窈石龍從永日驅馳徼未窮驛道久通滇
蜀使居人猶雜漢夷風崖間板屋依雲架塞外芒
山入雨空赤水寧辭三峽遠雙魚爲寄楚江東

東山大觀樓

吳國倫

東山突兀雲爲巔百雉參差雙練懸入寺渾迷上
下界倚樓欲盡西南天江光遠浸九華玉石甲紛
披千葉蓮睥睨羣山解飛動誰當坐嘯清蠻烟

銅崖

吳國倫

雙江渡頭水磷磷孤嶼飛棹如有神天造中流一
柱觀地標何代三銅人野航送酒小於葉彩螭當
磯重作綸莫道金焦獨形勝蠻山亦自無風塵

黔中雜詩

江盈科

羣峯莽互插天遥旅魄都從一望銷蠻語兼傳紅
犵獠土風漸入紫薑苗耕山到處皆憑火出戶無
人不佩刀一自播兵蹂躪後幾家茅屋入蕭條
何處關山是盡期馬蹄終日歷嶽寄村墟寂寂寒

烟火野鎮蕭蕭閃戍旗天斷不聞陽雁過雲深只
有嶺猿知我期漢吏寬文網莫把繁文縛屬夷
地險人稀物態涼蕭疎羸馬與牂羊綵繩貫貝苗
姬飾蠻錦裁衣衛士裝絕壁燒痕隨雨綠隔年禾
穗入春香民間蓄積看如此那得公家咏積倉
一山如戟一如環列嶂層層杳莫攀風雨豈無魑
魅嘯月明應有鶴笙還花苗所在營三窟草檄誰
人諭百蠻見說赤丸時報警天涯壯士盡凋顏

黔陽署中雜咏

江盈科

天涯高閣幾回憑，林卧終然愧季鷹。
水碓似人春覺緩，石牀如雪冷難勝。
鼠窺籬下初抽笋，猿挂岩前欲斷藤。
環視四山饒爽氣，倩誰拄杖與同登。
徙倚空亭石磴斜，晚風容易掃殘霞。
蟻封土潤霑新雨，燕嘴泥香帶落花。
病後檢方親曬藥，睡餘淪鼎自烹茶。
年光怕說如流水，幾度春歸未到家。
薛侍御出按貴州便道歸雲南省觀
唐時升

繡衣持節出長安
南入牂柯路萬盤
重箐濕雲常欲雨
點蒼晴雪不知寒
登車自埽豺狼跡
遇客爭彈鴈鵠冠
遙憶樹頭新酒熟
刺桐花下正承歡

川上學舍

李渭

高閣峯陰人獨立
碧梧秋色滿江城
松巒月落猿啼冷
雲路風淒鴈字驚
紫塞未傳銷甲信
玉樓猶聽擣衣聲
年年對菊誰無賦
此日樽前意未平

葛鏡橋

郭子章

麻哈江頭鎖碧波知君兩度布金多三春重壓雷
霆吼萬里如從枕席過澗底憑空連北斗夢中了
願謝維摩聖明許我東歸養酌酒平新問釣簞
餘慶玉虛洞

郭子章

玉虛古洞寂無隣洞口陰陰紫翠勻八百餘年狼
穴淨三千世界佛堂春凌空野鶴來巢閣解語山
魑畏近人更說瓊漿流道左濯纓漱齒一停輪
過餘慶司

郭子章

餘慶山行踏磴危幸逢春仲日遲遲荒村祭社仍
茅屋新戶編門半竹籬夾道櫻桃開白蕓隔江楊
柳換新枝猶聞豺虎當吾路去去埋輪一問之

霽虹橋

郭子章

髣髴中流駕巨鰲獨撐春水跨江臯祇疑蟠螭垂
仙渚那畏蛟龍挾怒濤聲擊桃花紅漲偃色搖柳
樹綠雲高千秋鎮遠行人頌不獨當年畫六韜

東山

郭子章

山接夷岵曉日暉
名山勝似此山稀
天開巨鎮雲常簇
地擁雄圖瘴欲晞
箐樹搖空金刹動
江流遶郭玉虹飛
居然別墅堪招隱
那得風塵學息機

銅鼓山

郭子章

鬼裁孤嶺矗城東
羅甸猶高漢相功
岩谷深藏銅鼓在
天河一洗甲兵空
峯蟠羽翼三分烈
棠芾風霜百代雄
聞道幾迴陰雨夕
餘音髣髴掛崆峒

武侯祠

郭子章

曾從羅甸畫兵機，七縱雄聲凜鐵衣。
銅鼓風雲藏陣畧，祠壇草木識天威。
雕闌俯瞰蠻烟淨，綵棟遙連蜀日輝。
鼎足未酬伊吕志，千秋有恨鵲南飛。

鸚鵡溪道中

李瑞

廢垣幾處望中存，楊柳青青蔭石門。
人爲寇侵先避地，夫知主去尚防村。
侵階流水隨渠滿，依樹啼鶯到日昏。
何事草場成戰伐，令人三嘆不能飡。

七星關

梁佐

巉崖飛閣倚長空
鑿石尋源誦禹功
地迴龜門洶
晝雪天低蜃棟拂晴虹
三巴西接虬龍靜
六詔南通象馬雄
我欲乘風生羽翰
星槎雲海泛飄蓬

別郭開府

謝三秀

客情秋色共蒼蒼
耐可離筵菊正黃
爲訪杜蘅先
過楚敢云詞賦重
遊梁孤猿夜嘯千峯月
匹馬寒嘶萬里霜
前路總令知己在
憐才誰似郭汾陽
春日泛舟牂江
謝三秀

江路分明潯水灣汀花汀草破愁顏朝憑短棹來
風去暮逐孤蓬載月還逸興尚餘尊酒在浮名不
及釣絲閒胡床箕踞逢多暇看遍南城十里山

宿西村

謝三秀

西村襖被酒初香寒逼莎鷄漸入牀深巷犬聲如
豹吠空田鶴影似人長山樓笛起家家月野浦砧
殘夜夜霜垂老生涯耕稼在衡茅吾擬托柴桑
送趙遜敏東歸

宋 昂

琴鶴先生樂自然故山歸去白雲邊柴門柳憶陶
元亮玉洞人迎葛稚川行色蒼茫林影外離情蕭
索酒杯前欲知別後相思意疎柳寒梅鎖暮烟

送楊知事

宋 昂

江水澄清樹葉丹臨岐人送栢臺官十年幃幄參
機務一旦雲霄振羽翰風靜洞庭高浪遠月明揚
子暮潮寒京華到日春光好花柳無邊馬上看

憶舊遊

宋 昱

記得曾遊蜀路時西川人物盡相知
聯鑣共訪揚雄宅攜酒同登杜甫祠
夜月樓臺飛逸興春風花柳入新詩
於今回首真成暮獨立蒼苔有所思

園中

史永安

仗劍山塘羸馬孤手揮矢石下征襦
可憐草木根皮盡更苦巢窠雀鼠無
萬里天高心自靖四圍路斷眼空枯
望來節鉞皆臣子忍把封疆付豕狐
人工神庇兩無尤力戰孤城歲已週
血染山河風

景慘火連郊郭夕陽愁
皇天有意培完節義士何
勞效泣囚留得此腔忠憤
在好隨張許共千秋

思南道中

陰子淑

陰雨初晴鷄亂鳴
輶車行處未天明
嵐深只說山無路
林靜還聞水有聲
一曲鏡湖何處乞
數莖霜鬢此中生
僕夫莫憚驅馳早
已有田翁接隴耕

白泉漁樂

李庭家

解却袍簪到白泉
披襟散髮酒腸寬
半蓬夜月三

更夢兩岸春花一釣竿得句詩人來短棹忘機鷗
鳥過前灘陰晴只恁烟波靜流水高山自在看

安莊道中

丁養浩

畦田百疊鎖山腰雨後流泉似海潮青嶂午陰看
飯犢碧林秋靜聽鳴蜩一簾暝色人歸市半壑腥
風虎過橋更待月明刁斗動滿天蒼碧夜迢迢

盤江橋

張鏡心

萬里盤江裂地來巨靈掌劈半山開波騰斷峽虛

蘭楫石咽濤聲走怒雷
湧霧迷漫千嶂合穿雲繚
遶一龍廻從今人渡金繩上共賴君饒濟世才

華嚴洞

張鏡心

門前車馬日紛紛野鶴閒僧總不聞
洞裏竒文成物象巖間真氣自氤氲
平空石湧三江浪何處晴飛五嶽雲
可是如來古本動故將花雨繡山紋

得巡黔馮侍御書却寄

王應熊

矢清蠻部在登車半壁功
高大樹餘馬粟寒生驄

使厯犢刀秋靜竹王墟紆籌預定先庚策退食惟
搜大酉書却寄草堂情不淺拒霜花發鴈來初

園中自誓

潘潤民

孤城苦守歲云徂望斷援師淚欲枯烽火連天雲
黯慘僵屍滿地血模糊爲憐秦養垂三世遑恤伶
仃有二孤力盡自甘拋一死昂藏寧肯負吾軀

解園志喜

楊師孔

朔風凜凜正重圍條報王師指義旂將畧從天來

勝下蠻營捲地望塵歸城頭殘壘聞嘶馬委巷
嬴笑啟扉自是天威雄絕徼新標銅柱答垂衣

龍山寺夜坐

黃龍光

勞勞車馬夜郎西耐可尋僧對佛栖幽壑度鐘風
曲折層崖置寺石高低燈花落盡人千里暝色明
初月一溪却怪年來空浪迹白雲多處亂山迷

飛瀑泉

楊秀冕

雪乳泠泠濕翠衣水晶珠箔夜生輝雙流漱玉岩

邊出足練橫空樹杪飛川谷草香仙鹿過石潭雲
淨毒龍歸武陵歲歲桃花發幾度漁郎問釣磯

登東山

黃珂

城上旌旗帶雨懸城邊草樹晝生烟山光水色連
千里人語鷄聲傍一川望眼漫勞迎過鴈愁懷無
奈聽啼鵲登臨直上最高處恍若身遊萬仞天

和劉覲國觀察青蓮界

鄧鐘

東山禪室接雲屏使節翻勞駐野亭雨後泉飛千

澗白霜前木落數峯青
論文應合延津劍
借箸先瞻益部星海內
交惟能有幾那堪聚散
若流螢

鐵橋告竣志喜

朱家民

牂柯形勢向雲盤
山插層霄萬壘寒
地險難容江立柱
神工止許鐵爲欄
人從蜃市樓中現
我在金鰲背上看
三載胼胝今底定
伏波銅柱照巔巔
橋工竣次第建石
城十一座告成志喜

朱家民

畫破青山路一條走鞭飛鐵去來遙礙天岩樹冬
先發鎖磴溪雲晝不銷耕鑿止聞歌帝力車驂不
復畏兵驕金湯聯落皇輿鞏盡職何功敢任勞

池亭飲楊憲副

尹伸

干戈猶得問林亭景物應憐歲再經粉褪犀文抽
苑竹香浮蓮葉膩春萍吳歎怨聽材官曲拇陣隨
傾小吏瓶觀者堵墻都一噓半池燈影亂殘星

國朝

初秋過麻哈城西觀音寺

朱前詒

上方樓閣傍西城，緩步秋光物外情。
百丈微風松子落，兩株細雨桂花清。
山臨埤堦烟雲滿，門近溪潭瀑布聲。
坐久不須燈火促，一鉤新月正東生。

清平驛

丘元武

三家茅屋一孤城，甬道曾聞百戰經。
零落青燐飛火聚，寂寥丹壁宿鷗鳴。
門前屠狗誰新市，閣外松楸識老兵。
爲問當年誰改作，於今郵舍出雙旌。

雕牆高築是誰家擁護山城徧赤霞故部石臺春
度曲新營板屋夜吹笳空傳虎拜離宮柳不記龍
巡上苑花十載南人憑弔歇書生簪筆夕陽斜

赴黔臬別梁培元靖州

彭而述

三年兩過靖州城屢見飛雲馬首生異國初逢黃
葉下蠻方更聽暮猿鳴相看聚散還今夕無那江
山是別情建業若逢黔郡使驛書早寄故人聲

關嶺

彭而述

將軍遺廟噪棲鳥攬轡青山日欲晡
短碣蝸涎苔剥落虛堂鬼火樹凋枯
箕裘遺恨三分國社稷纔成五月瀘
却喜山河蒙姓字長留漢月接成都
次常東園九龍寺

許虬

古寺松門枕大江真如洗鉢老龍降
山環簇擁峯當殿樹繞參差翠到窓
閣上風閒搖鐵馬庭前月滿代銀缸
朝來步屨陂塘去綠水芙蓉對影雙

三月三日登南泉絕頂道院

吳廷正

高閣開襟且浩歌
况逢修禊此中過
幽岩日暖分
丹竈絕礧雲生暗
薜蘿足下青山隨
處好
愁來白髮一春多
可憐故國流觴地
風景依稀似永和

暮春還客溪別業

胡嶽華

花源不似避秦時
擔荷行歌日正遲
路轉千峯尋故業
身慚足馬識前溪
桐華簌簌開門閉
柳色穆穆舊館移
初願幾年成錯計
白鷗重與水相期

石船

潘馴

鑿石爲船鬼斧奇翩然一棹欲何之空橫野水無
人渡徒有中流擊楫思風定可垂嚴子釣月明疑
自剡溪移莫言剡木般倕巧形製先留邃古時

盤江

程封

盤江中斷鐵橋開乍見心驚首欲回誰遣鬼工排
烏道直教天塹走龍媒如雲戍卒防秋去盡地金
錢轉餉來聞說波流通緬甸河源萬里令人哀

午日馬上偶成

楊雍正

鞅掌何曾片刻閒夢魂並未到鄉關王師是處呼
庚癸民命還當惜草菅蒲酒異鄉容易醉衰年戎
馬幾時還長沙徒洒憂時淚輸與箕山潁水灣

小樓

田雯

淺衙隙地北岡頭竹柱泥窓架小樓南陌青峯相
對立東河白水一邊流看來阮籍嫌多壁牽去張
融只似舟山郭夕陽鴉數點憑闌滿眼夜郎秋

飛雲巖

田雯

飛雲巖立翠千重草色登臨日下春莫信人間惟
五嶽須知天末有三峯秦灰漢壘羣仙宅雲陣花
幢古佛蹤如此奇山誰領畧曾無七十二家封

羅永菴

陸祚蕃

燕子飛來勢莫遮袞衣只合換袈裟啼鷓鴣竹裂悲
蕭寺歸鶴烟迷憶故家香稻帝分天上供寒潭龍
獻佛前花西山封樹無消息鎮日南枝噪暮鴉

抵鄭家場

李鎧

落日驅車覽大荒，浮雲高捲鬱蒼茫。
星分井鬼崇山盡，地接牂柯燹道長。
幾度烽烟餘茂草，廿年生聚尚殘疆。
慚無供奉才名盛，迢遞何緣到夜郎。

草塘寒食

熊軾

寒食羈途悵未還，濁醪傾倒遣愁顏。
塘橫積翠烟中柳，門掩斜陽雨後山。
相對好花思故侶，每逢佳節憶鄉關。
千家禁火聊同俗，搔首猶傷滯百蠻。

播州感興

李先立

楊家世業已蒿萊雌鳳妖驪穩禍胎躍馬真成蛙
坐井鞭山未信海如杯從來負固無完局豈待殘
燒辨刮灰指顧重關天險失夜郎自太古今哀

答平溪田端雲

張大受

曝書亭集精華錄海內詩名兩共傳今日見君真
妙絕老夫懷舊亦淒然文章元氣無時息富貴浮
雲幾輩閒慚愧採風逢此客吹噓無力上青天

甲秀樓

張大受

門分南北山縈郭橋合東西水落潭四面清風吹
閣外三層朱檻俯雲端江山注眼連荆蜀樹木關
心別暑寒最喜登臨埃壘表百梯窮處欲騭鷲

田少師祠

宋田祐恭代父從軍征洞
酋率思州等處民歸宋

張大受

天末江山想戰功千年遺廟瘴烟中餘威尚在安
黔蜀至性雙全感孝忠堂構有經遺後嗣土田無

籍祀先公

祠未置田
無資修葺

使臣敬訪思州蹟石鼎香飄

樹外風

明申御史祠

名祐性至孝死於土木之難

張大受

子孝臣忠萬古揚
冠凜凜肅清霜
干戈自執從

明主魂魄猶雄返
故鄉晚聽鶴聲
歸破屋寒留松

影覆高岡濟蹒冠
帶諸孫好

准其後裔二人奉祀

願向西風

薦一觴

白水河瀑布

高其倬

倚空蒼壁削青銅
赴壑懸河掛斷虹
驚馬萬蹄嚴陣鼓
綿雲百簇揭天風
常凝靈氣棲神物
自闢龍

門謝禹功爲有西疇千頃在餘波不逐逝川東

甲秀樓小集同粵西金中丞暨鄂方伯趙廉使楊
參政王參政并太守牧令諸人分韻得恬字

鄂爾泰

刺藤梢竹又來黔背郭南明趣未厭傑閣先登推
老大深盃小注共酸甜吟哦到底都成癖山水終
然不計廉好記清和羣從日忘機魚鳥亦恬恬

貴筑詠懷

鄂爾泰

剖竹春深駐綵旂底忙勾當已經秋百千我愧生
諸葛八萬人知畧古州赤水東流趣舴艋白崖西
下挽車輶捫心合有籌邊計志決才疎道未周
晚霽自鎮遠赴偏橋

常安

巖光雨後轉氤氲行過屏山日欲曛石磴千層天
際出飛泉百道嶺頭分鳥栖翠竹啼紅雨人坐籃
輿度白雲風送晚鐘何處寺昏黃月下隔溪聞
由石阡至思南

鄒一桂

誰劈懸崖作劍門，
捫蘿穿破白雲根。
短牆修竹圍精舍，
流水桃花又一村。
羅甸山容春有脚，
夜郎月色淨無痕。
數聲欸乃滄洲趣，
况復船頭送酒樽。

昨宵雷雨過清明，
十日春寒一日晴。
遠樹雲開延岫色，
野田水滿落溪聲。
一鞭斜照穿花塢，
雙槳輕風到石城。
汎掃軒窓談坐久，
半規明月已初更。

遊雪厓洞

陳惠榮

牂江聞道似瀛洲，
為愛清幽覽勝遊。
堆堞四圍山

北去鼉梁雙架水東流別開雲路邀青鳥暫息塵
機翫白鷗疑是桃源通柳市風光占盡郭南頭
玉虛宮闕彩雲邊下有維摩小洞天鐘磬聲中清
梵落松杉影裏夜燈燃聞歌欲證三生果微笑同
參一指禪會得西來無限意碧溪芳草自年年
層樓高矗水雲隈掛斗橫參萬象開碧漢乍疑槎
泛去青天應有鶴飛來夢中蝴蝶原非幻眼底蜉
蝥盡可哀一瓣心香迎絳節欲將清淺問蓬萊

入聖登仙各有因萬緣澄徹見天真須知卧雪餐
霞客即是吟風弄月人一念常惺虛白室三花應
現軟紅塵鼓爻妙義通河洛洙泗源頭好問津

雪屋洞次方伯陳公元韻

王瓚

何煩矯首羨神洲彷彿仙踪汗漫遊色相祇須窺
海月天機即可識江流翠微深處鳴幽鳥淺碧沙
邊泛野鷗慚縛塵緣聞道晚而今白却九分頭
憑虛身在白雲邊傑閣峻嶒勢插天一抹烟霞山

欲暮萬家燈火夜初燃豪吟不礙庾樓興淨業新
逃鹿苑禪誰駕鐵船浮黑海願將七日換千年
蜿蜒古洞小橋隈勝跡塵封今始開絕好風光留
客住無邊蒼翠撲人來林中清磬偏多韻檻外飛
湍未覺哀勾漏丹砂尋往跡不如此地闢蒿萊
生來慧業占前因駒隙何須苦認真蹭蹬本饒泉
石志馳驅未是利名人浮雲眼底渾如夢世界壺
中不受塵記得桃源蹊畔路好從仙侶問迷津

前題

劉應鼎

夢起當年十頃洲何緣今日得從遊江聯玉帶波
交合柳映衣衫翠欲流爭羨重新城外景莫疑相
妬水中鷗慚余服烝無仙術且喜樓登最上頭

層巒列嶂繞城邊古洞清幽自一天出郭不遙亦
不邇懸燈如滅復如燃梳翎野鶴纔臨水點石仙
人別有禪縱是莫饒頭上雪登山猶未減童年
仙室重重傍水隈玄關不用玉匙開一江風月無

拘束蒲院春光任去來寧學岳陽三日醉肯吟才
子七詩哀惟嫌白雪高難和常媿蓬心起草萊
神仙應是有前因入海求仙或未真燒汞空傳不
死藥長生難遇百年人非關妙諦參同異爲愛幽
棲遠市塵試看川流來滾滾當門富水是通津

前題

唐 璩

烟霞勝地占三洲布襪青鞋踏舊遊
巒層巒環洞列鱗鱗曲水抱城流
樓臺勢迴臨星斗蕭鼓聲

清戲驚鷗恍似置身金色界纖埃渾不到心頭

三神海上浩無邊五嶽圖中別一天梵院氤氲花

雨下仙宮窈窕寶燈燃鳶魚到處關玄妙風月分

明引道禪厯厯瑤壇乩籙在輝煌舊句憶當年

昔有

鄭瘋子者名國書爲諸生時好道街獨居洞中人呼爲鄭仙志欲募修請乩有輝煌金碧待他年之句今公締建賦詩且以年字足韻其前兆歟

鬱葱佳氣靄城隈舉目俄瞻絳闕開石座香濃雲
駐處藥爐烟裊鶴歸來霜鐘遠度醒塵夢風笛橫

吹捲暮哀應俟洪厓一招手拍肩長嘯共蓬萊
莫向空王證往因且從紫府叩元真虎丘聚石猶
多事緱嶺吹笙自可人悟澈禪關心是佛掃清魔
障道無塵不緣謝傳登臨興望海何由識漢津

前題

姜文濱

曾聞海上有瀛洲今日城南紀勝遊風物別開玄
圃景畫圖又見輞川流雲生遠岫吞青嶂人立平
橋起白鷗乘興庾公揮彩筆題詩每到月當頭

來仙閣近斗牛邊縹緲雲霞別一天市遠人聲喧
復寂沙明漁火滅還燃思燒絳雪須聞道好服丹
砂不礙禪願藉瓣香參妙諦渾忘白髮似華年

雪厓古洞傍城隈兩水潌洄一鑑開綠柳蘸波魚
正躍青松插漢鶴重來安排丘壑殊堪賞變幻滄
桑豈用哀最羨公餘成雅集歡然共賦北山萊

誰向邯鄲訪舊因暫隨仙侶識仙真古來鐵笛無
雙調天下黃冠第一人景駐樓頭當碧落舟橫洞

口隔紅塵此間應有登仙路認取桃花是渡津

題來仙閣四首

並序

杜詮

雪厓洞溪山秀朗稱黔中勝地洞左舊建呂真人神宇三楹昔年降鸞處也歲久傾圮方伯陳公因其址以修殿又於洞右甃石爲臺建來仙閣辛酉夏落成挹山光吞石瀨巍然鉅觀其前後經營俱盡地勢又增植竹樹蔽翳菁蔥遊人宛在閭風之苑爰賦詩以紀之

雲中臺榭壓層城一燈仙都罨畫明薜荔牆邊山
出沒松杉徑裏鳥飛鳴躋攀不覺烟霞近嘯傲還
疑羽翼生泉石儘堪招隱士蓬壺萬里不勝情

清都流憇意遲遲每憶王喬不可期鶴去幾曾聞
客駕雲深何處覓仙居欲尋卜肆重談易難借樵
風一看棋忽睹星河槎泛落崆峒問道好相隨

雕甍繡闥碧琳宮羽駕飄搖紫氣中鄂渚醉吟人
世改邯鄲塵夢古今同龍蛇舞處通玄妙錦繡裁

成盡化工風露夜深聞鶴唳溪光月色兩融融
五千文字通義畫秘鑰存存養谷神玉局難逢河
上老靈臺常閱洞中春臨流洗耳寧高隱抱甕忘
機自率真此一瓣香情邈邈滄洲遙擬問芳隣

題來仙閣

並序

姜文澤

蓋聞杯擎湘岳三醉欲覺羣迷枕授邯鄲一榻
喚醒千古望蓬萊之佳氣自在人間泛弱水之
慈航來從天上維茲黔陽名勝舊有真蹟流傳

乃物換星移竟亭荒榭圯重光作噩之歲方伯
陳公樂捐清俸敬妥神靈衆效檀波儼成巨厦
朝霞飛碧瓦崇臺直擬丹臺暮靄捲朱甍傑閣
居然仙閣蒼苔白石古洞玲瓏細柳新篁元宮
瀟灑溪流清淺鳶魚競樂於鏡中堦影參差士
女宛行於樹杪武陵之花爛漫再來不怕迷津
少室之錄精微到此何難證果試思身中升降
安問世上榮枯謹志數言爰成二律

昔聞此地仙來去今日來仙又來古洞雲深籠
玉宇清溪月朗映瓊臺恍疑黃鶴飛天外信有青
鸞到水隈悵望不須搔短髮鳥啼花笑是蓬萊

函關紫氣事非遙晴日晴雲瑞靄飄畫閣題詩留
白雪瑤池飛鳥舞丹青但教寸地尋靈藥何用深
山斲翠苔願蒸名香凭素几敲爻精蘊細推敲

五言絕句

唐

流夜郎題葵葉

李白

慙君能衛足嘆我遠移根
白日如分照還歸守故

園

送蠻客

張籍

借問炎州客天南幾日程
江南惡溪路山遠夜郎

城

明

凌玄洞

丁璣

野日春正暝山雲午猶濕布穀不停聲人人荷鋤
立

蘭橈泛江水江水綠於苔日日斜陽裏行人自往
來

空巖蒼翠間平窪自相逗有時石上眠雲來觸衣
袖

潭靜山同色雲寒鳥不飛微茫烟渚際獨見釣船
歸

和凌玄洞原韻

周瑛

鷄鳴桑樹深犬卧苔花濕何處課春耕獨倚斜陽
立

長江春雨過綠水生青苔行人過江急江濶船不
來

石濕雲不起石晴雲亦逗對石閒觀雲蒼翠落衫
袖

江暖雪初作江寒雪漸飛一竿潭水上雪深猶未

歸

羅甸曲

楊慎

山圍羅甸國水繞滴澄橋
橋下東流水可惜無蘭橈

蠻樹不凋葉蠻雲不放晴
長亭望不見何處是查城

寒燈悶孤館陰雲鎖重城
長夜恒思曉久雨恒思晴

林間山胡鳥聲聲啼我前何似故園裏花亭聞杜鵑

桃源洞

劉綰

仗劍飛虎穴停輶憇洞天幽巖可鑄石何處不燕然

夜坐大峨石

蔣勸善

白雲石之上清泉石之下趺坐萬竹中涼風生靜夜

初至永寧

許邦才

風塵誰自料花鳥故相猜問是山東客何由萬里來

宿晉安

程本立

漢婦良家子從軍歲月多生來小兒女唱得鬢人歌

國朝

查城曲

林華皖

樹樹山楂子蕭蕭頂箐城四時常黯淡祇聽暮猿聲

盤江曲

林華琬

古渡千盤水連雲一望城守橋諸將在枕劍聽江聲

泊思州灘

孫勳

思心已不極况復到思州輸爾牂柯水滔滔正北流

甲秀樓

宗天植

青山四面圍一水當中界宣城太守詩小李將軍

畫

六言絕

明

披雲巖

謝三秀

曉起雲分畫墨渠添水弄青蘋石隙桃花笑客茅
簷燕子衝人

巢穴環居九姓犬牙控馭三藩峽外乾坤錦里烟
中雞犬桃源

水去千巖漏洩雲興萬壑平鋪買犢人猶帶劍觀
風我亦懸弧

七言絕句

唐

龍標野宴

王昌齡

沅溪夏晚足涼風春酒相攜就竹叢莫道絃歌愁

遠謫青山明月不曾空

送崔參軍往龍溪

王昌齡

龍溪只在龍標上秋月孤山兩相向
謫離心是丈夫鴻恩共待春江漲

聞王昌齡左遷龍標遙有此寄

李白

楊花落盡子規啼聞道龍標過五溪
我寄愁心與明月隨風直到夜郎西

聞酺不與

李白

北闕聖人歌太康南冠君子竄遐荒漢酺聞奏鈞
天樂願得風吹到夜郎

南流夜郎寄內

李白

夜郎天外怨離居明月樓中音信疎北鴈春歸看
欲盡南來不得豫章書

哭黔中薛大夫

戎昱

亞相何年鎮百蠻生涯萬事瘴雲間夜郎城外誰
人哭昨夜空餘旌節還

自京赴黔南

竇庠

風雨荊州二月天，問人初僱峽中船。
西南一望雲含水，猶道黔南有四千。

送人歸黔府

司空曙

伏波簫鼓水雲中，長戟如霜大旆紅。
油幕曉開飛鳥絕，翩翩上將獨趨風。

獻歲送李十兄赴黔中酒後絕句

權德輿

一樽歲酒且留歡，三峽黔山去路難。
志士感恩無

遠近異時應戴惠文冠

自黔中歸新安

李頻

朝過春關辭北闕暮參戎幕向南巴却將仙桂東
歸去江月相隨直到家

宋

錦屏山

喻汝礪

暝色輕烟罩郡城漁舟燈火倒觀星寒山遠水江
村暮自在妝成水墨屏

元

瓮蓬洞石刻

唐中立

在山形勢已仁威何必驅車占水湄爲汝礙舟呼
匠者少須一刻即平夷

題諸葛箭

唐中立

古樹參雲仰望中武侯曾此一彎弓不遺箭鏃經
千載那得蠻夷懼武功

過牂柯江

陳孚

青草風吹毒霧腥
交州何在海溟溟
牂柯已恨天涯遠
又過牂柯二十程

送李文清之官八番宣慰司幕中 宋 裴

武昌城外柳如絲
曾見吳儂笑詠詩
張緒而今漸憔悴
定應不似昔年枝

明

啞泉

謝三秀

人云啞者泉之忒
我云啞者泉之德
早知世上如

流口何不一歛長嘿嘿

却金

吳訥

蕭蕭行李向東還要過前途最險灘若有藏私並
土物任教沉在碧波間

曲溪山閣留別李曲溪子

楊慎

東風樓上水盈盈爲鼓離鷺一再行明日梁園懷
李白寒山一帶短長亭

平溪道中

楊慎

野雞坪邊繞雜花幽蘭石竹交山茶可憐春色浩
無主空使騷人惱鬢華

豐樂秋成

林晟

野老杖藜山徑裏牧童吹笛晚風前要知擊壤聲
中趣社酒新篳樂醉眠

普市所

李陞

三里孤城鼓角嚴遶城青擁萬山尖鳥音晴碎巧
娛耳草色春深亂入簾

筆岫

張守讓

筆岫橫天插曉雲長風飄落氣氤氲夜來正有江
淹夢散作晴空五彩雯

香爐巖

張守讓

溪邊流水遶香臺瑞氣金爐五色開却是玉樓仙
子度馮夷捧出博山來

石屏山

張守讓

誰將屏幃倚雲開削壁當空抱郡廵自是皇圖天

外壯長城擁出日邊來

鎮安渡

張守讓

津頭風雨暗垂楊兩岸相逢即異鄉
春水橫江不可渡誰爲鞭石造輿梁

平冒山

張守讓

平冒山頭漢將營
鐃歌不見夜來聲
夜郎此日韜笳鼓
留得秋山半月明

宿聖壽寺

黃龍光

十年多病學無生客裏因緣到化城
亂後山僧零落盡石床空對一燈明

與祁致和

陳獻章

六年飽讀石阡書習氣而今想破除
雪月風花還屬我不曾閒過邵堯夫

西禪晚鐘

任思永

禪林僻在婺城西竹徑斜開帶小溪
萬井樓臺當月夜一聲清響出招提

新添驛

許邦才

野館孤燈半滅明
江壩月落夜潮生
無端鄉思三更後
聽盡蕭蕭風雨聲

萬山春耕

高任重

萬仞層巒倚郡城
春深官路擁花明
空濛點綴青山色
喜見蓑衣帶雨耕

平壩

謝肇淛

愁雲三月風滿溪
一日一程西更西
鬼門關外無

相識頭白老鴉朝暮啼

西山夕嵐

蕭伯宸

誤疑作雨隨龍去或訝如雲伴鶴還
颯颯天風吹不散長如積黛擁千鬟

天然洞

吳國倫

奇峯倒作萬蓮開洞裏陰晴只浪猜
罔象不驚龍正卧寒秋夜夜吐風雷

瑞竹

孫應鰲

一本高抽八節奇即從九節挺雙枝蒲林時引釣
天奏聽到無聲祇自知

翠葆聯翩紺纛攢從今日報竹平安寧知勁節冰
霜骨也似芙蓉結合歡

雪中同諸友過聖壽寺小集

孫應鰲

十年裘馬倦風塵此日驚看故里春漫憶舊遊重
載酒祇園飛雪亦親人

黔中曲

朱茂時

疊嶂曾無三尺平盤江狹處鐵橋橫
短裙窄袖花蠻女宛在鞦韆索上行

憑虛洞

丘禾實

咫尺巔峴別有天寒雲莽互不知年
我來踏破蒼

苔徑風月無邊會與傳

右初得洞

懸巖到處鑿鴻濛疑有秦人托此中
見說渡頭楓

葉落年年秋水似桃紅

飛雲巖

萬士和

洞裏幽深未可窮
洞門奇峭護雙龍
風雷若有山靈妬
飛作江南鐵柱峯

國朝

聞黔中風景

鍾淵映

沅江西去接滇池
風土依稀記往時
銅鼓迎神歌一曲
居人多賽竹王祠

黔陽雜咏

李良年

荻港松扉曉柝傳
半春愁說火連綿
山城不用逢

寒食晴過三朝便禁烟

盤江橋

彭而述

鐵橋黑水舊知名天險曾當百萬兵
試問臨邛持節客當年何路入昆明

頂箐

許延郡

新種瑯玕翠幾重
踈枝密篠綰清風
使星走馬紅塵外
刺史彈琴綠箐中

食署中櫻桃甚酸

田雯

西園木蜜紅如火北地林檎大似匏可笑山薑一
饒口八十里外噉櫻桃

楊梅盧橘尋常有紫李黃瓜分外甜偏戀櫻桃二
三樹飽嘗酸味不知嫌

薔薇花

田雯

瑟瑟絲絲絕可憐紅鬚綠刺弄春烟分明一段蜀
江錦鋪在竹窓晴日邊

引得春駒太多事倒飛斜舞十分狂憑誰繪向東

風裏半是徐熙半趙昌

堪笑香山老居士花開將爾當夫人我唯一看一回醉消盡鉗中麴米春

題屏山菴

周起渭

龍場佛寺伴諸生夜倚松杉各問名我爲看山來此地傳經還有舊陽明

弔朱太常死難

趙吉士

朱季由來彊直名誓將七尺障孤城可憐功業隨

流水罵賊猶堪比杲卿

甲秀樓

鄂爾泰

鰲磯灣下柳參參芳杜洲前小駐驂
更上層樓瞰流水虹橋風景似江南

炊烟卓午散輕絲十萬人家飯熟時
問訊何年招濟火斜陽滿樹武鄉祠

鐵索橋

鄒一桂

豈徒騎馬似乘船鐵索橫橋欲上天
正是扶風搖

不定怒濤飛吼起龍眠

踰黃峭山宿毛坪

鄒一桂

黃峭山高上接天下窺萬嶺隔雲烟陡然身落雲
烟裏閒倚江樓送客船

閏重九安順考棚口占

鄒一桂

來日題糕貴嶺旁棘闌今日又重陽何當山郭兼
旬雨滌遍農家九月塲

天與秋光歲月寬葛中原不礙儒冠一行鼓吹簪

花去好作茱萸插髻看

是日發落生童

雨後新晴日色妍
薄寒風近小春天
黔中遍是登

高地難得重開落帽筵

貴州通志卷四十五

欽定四庫全書

貴州通志卷四十六

藝文

雜記

凡不載出處者俱係舊志

廣南有韋土司自言淮陰侯後當鍾室難作淮陰侯客某匿其三歲兒知蕭相素與侯善往見之微示侯無後意相國仰天嘆曰嗟呼冤哉淚淫淫下客見其誠以情告相國驚曰若能匿淮陰兒乎中

國不可居矣急逃南粵趙佗作書遣客匿兒於佗
曰此淮陰兒公善視之佗養以爲己子而封之海
濱賜姓韋用韓之半也今之族世豪於海壖有鄼
侯所遺之書尉佗所錫之誥勒之鼎器今定番有
韋番其先亦出於廣南晉天福間楚王馬殷遣其
八帥率邕管柳州兵討兩江溪洞至此留軍戍之
因各據其土號八番韋番其一也其人雖隸版圖
輸租課然多陰賊剽悍獸食而鳥息未見有能豪

者至問其受姓之自與鄴侯所遺之書尉佗所錫之誥率皆不知而云無有則又何也

唐黔府都督謝祐克險忍毒則天朝徙曹王於黔中祐嚇云則天賜自盡祐親奉進止更無別勅王怖而縊死後祐於平閣上卧婢妾十餘人夜不覺刺客截首去後曹王破家簿錄事得祐首漆之題謝祐字以爲穢器方知王子令刺客殺之

王蜀有劉隱者善於篇章嘗說少年賞益部監軍

使書案於黔巫之南謂之南州州多山險路細不通乘騎貴賤皆策杖而行其囊索悉皆差夫背負夫役不到處便遣縣令主簿自荷而行將至南州州牧差人致書迂之至則一二人背籠而前將隱入籠內掉手而行凡登山入谷皆絕高絕深者日至百皆用指爪攀緣寸寸而進在於籠中必與負荷者相背而坐此即彼中車馬也洎至近州州牧亦坐籠而迂於郊其郡在桑林之間茅屋數間而

已牧守皆華人甚有心義翌日牧曰須畧謁諸大將乎遂差人引之衙院衙各相去十餘里亦在林木之下一茅齋大校三五人逢迎乃至於是烹一犢兒乃先取犢兒結腸中細糞置在盤筵以筋夾調在醢中方餐犢肉彼人謂細糞爲聖齏若無此一味者即不成局筵矣諸味將半然後下麻蟲裹蒸裏蒸乃取麻蕨蔓上蟲如今之刺猯者是也以荷葉裹而蒸之隱勉強餐之明日所遺甚多

黃祐修道於黔南無人之境每二三十年一出成都賣藥言人災禍無不神驗蜀王建迎入宮盡禮事之問其服食皆秘而不言曰吾非神仙亦非服餌之士但虛心養氣仁其行勘其過而已問其齒則曰吾只記夜郎侯王蜀之日蠶叢氏都郫之年時被請出爾後烏兔交馳花開木落竟不記其甲子矣忽一日南望嘉州曰捷爲之地何其炎炎請遣人赴之如其言使至嘉州市肆已爲瓦礫矣後

堅辭歸山建泣留不住問其後事皆不言之既去
於所居壁間見題處曰莫教牽動青猪足動即炎
炎不可撲鷙獸不欲兩頭黃黃即其年天下哭智
者不能詳之至乙亥年起師東取秦鳳諸州報捷
之際宮內延火珍寶帑藏並爲煨燼矣乃知太歲
乙亥是爲青猪爲焚熱之期也後三年歲在戊寅
土而建殂方知寅爲鷙獸干與納音俱是土土黃
色是以言鷙獸兩頭黃此言不差毫髮

元和中荆客崔商上峽之黔秋水既落舟行甚遲
江濱有溪洞林木勝絕商因杖策徐步窮幽深入
不三四里忽有人居石橋竹扉板屋茅舍沿流屈
曲景象殊迴商因前詣有尼衆十許延客安貌言
笑固非山壑之徒即升其居見庭內舍上多曝果
及窺其室堆積皆滿須臾則自外齊負衆果累累
而至商謂其深山窮谷非能居焉疑爲妖異忽遽
而返衆尼援引流連詞甚懇商既登舟乃訪於舟

子皆曰此猿猱耳前後遇者非一賴悟速返不爾
幾爲所殘商即聚僮僕挾兵杖亟往尋捕則無踪
跡矣

僞蜀度支員外郎何昭翰嘗從事於黔南暇日因
閒步野徑於水際見釣者謂翰曰子何判官乎曰
然曰我則野人張涉也余比與子知交久矣子今
忘我也翰惜然不醒因藉草坐謂翰曰子有數任
官終於青城縣令我則往青城山也待君官滿與

君同歸山中今不及到君公署也遂辭而去翰深
志之後歷累官及出爲青城縣令有憂色釣者亦
嘗往來甚重之一旦大軍到城刦賊四起釣者與
翰相攜入山何之骨肉盡在城內賊衆入縣言殺
縣令嚮而食之賊首之子自號小將軍其日尋覓
不見細視縣宰之首即小將軍之首也賊於是自
相殘害莫知縣令所之後有人入山見何與張同
行何因寄語妻子曰吾本不死却歸舊山爾等善

爲生計無相追憶也自此人不復見莫知所之

費州蠻人舉族姓費氏境多虎暴俗皆樓居以避之開元中秋光嗣爲刺史其孫博望生於官舍博望乳母壻費忠勁勇能射嘗自州負米還家山路見阻不覺日暮前程尚有三十餘里忠懼不免以持刃刈薪數束敲石取火焚之自守須臾聞虎之聲震動林藪忠以頭巾冒米袋腰帶束之立於火光之下挺身上大樹頃之四虎同至望見米袋大

虎前攫既知非人相顧默然次虎引二子去大虎獨留火所忽爾脫皮是一老人枕手而寐忠素勁捷心頗輕之乃徐下樹扼其喉以刀擬頸老人乞命忠縛其手而詰問之云是北村費老被罰爲虎天曹有日歷令食人今夜合食費忠故候其人適來正值米袋意甚鬱悒留此須其復來耳不意爲君所執如不信可於我腰間看日歷當知之忠看歷畢問何以救我答曰若有同姓名人亦可相代

異時事覺我當爲受罰不過十日饑餓耳忠云今
有南村費忠可代我不老人許之忠先持皮上樹
杪然後下解老人老人曰君第牢縛其身附樹我
若入皮則不相識脫聞吼落地必當被食事理則
然非負約也忠與訣上樹擲皮還之老人得皮從
後脚入復形之後大吼數十聲乃去忠得還家數
日南村費忠果鋤地遇噉費州今
思南府
元馮士啟者許昌人仕黔爲順元府經歷嘗奉遣

抵驛站日已暮站吏告曰今夕馬蚌上岸麻色須
蹙停以避之詰其故閉目揺手不敢言馮怒趣馬
行數十里至溪畔忽見一物如屋烏刺赤下馬伏
泣若訴狀再詰之仍閉目揺手不答馮於是下馬
祝之曰某竊祿來此苟天命合盡爾其啖之否則
容我行祝畢即轉入溪中腥風毒霧尚觸人口鼻
乃各上馬比曙抵前站吏驚曰是何麻色膽乃若
是馮問此何物始敢言曰螞蟥精也馮後官禮部

尚書

烏刺赤站
之牧馬者

明嘉靖十四年去思南府治三百里地名廟頭有鐘一口原自思南飛來內鐵外銅口上如齒擊之其聲各別四川酉陽司遣人盜之移至五里暫歇鐘遂生於石上舉之不動後仍還故處

出思南府志

明天啟中水西安邦彥叛巡按傅宗龍兼理軍事駐節平壩城時賊勢猖獗率衆數萬渡江官軍僅萬餘難以對壘忽見東北角有赤面長鬚大將在

前賊衆遂潰官軍乘勢破賊先一日有居民入祠
見關聖帝像起立驚駭而出呼士民入觀之見神
汗流滿鬚鬢自辰至午門前所塑泥馬亦然頃刻
則捷音至矣官民咸謂神助

見安平
縣志

崇禎十二年平壩衛永福寺門首金剛忽然動搖
如人推挽之狀先是寺僧云韋陀每擎拳下立佛
前居人不信夜往窺伺二鼓時鐘磬大振見一大
將軍挺立佛前移時不見不數日金剛復動觀者

人具食忽案上器皿皆飛起懸於空際以好語祝之則滿室生香以惡語詈之則穢氣觸鼻甚至移易諸僕婦之釵梳衣物甲置於乙夫之房乙置於甲夫之榻種種變幻久而不息命巫治之巫反爲之顛仆誦經修醮迄不能避將知之瞬焉則空中有聲如嬰兒嘲謔嘻笑不止而終不見其形竟莫知其何怪也

南方有獠婦生子便起其夫卧床褥飲食皆如乳

婦稍不衛護其孕婦疾皆生焉其妻亦無所苦炊
爨樵蘇自若又云越俗其妻或誕子經三日便澡
身於溪河返具糜以餉壻壻則擁衾抱雛坐於寢
榻稱爲產翁其顛倒有如此

習安三竺河以下地勢劃然而開萬仞壁立一水
駛流昔人所詠谷黯天如線崖高月不明也山絕
嶺往往掘地得拳石如卵去三竺三十餘里有可
處若河崖較他處倍高亦倍險絕處有石花四

月望後始發初發之日若塗朱石上斑斑然三五點爲叢七八點十數點爲叢經二三日漸長併數點爲一片大如輪小如掌鮮明爛漫城頭之霞壁上之幟未足擬也再二三日漸黃漸淡倏忽而歸烏有矣其花方圓大小無定形前後高低無定位殊不類草木之華第每歲必一發每發必以夏歷歷不爽土人恒以其生之高低色之濃淡旱澇豐歉如持左券亦異矣

黔有斷腸草叢生根如商陸葉類蓼而大莖有節
當心抽花蘂數十作穗花淡紅色久漸赤子離離
似桑甚畧園中沿砌依砌百叢也初見輒愛之以
爲紅鬢內艷頰牙外標華橙之映翠幕丹璫之厠
碧瑤當不過是未識爲何花有嬖兒自尋甸至呼
其名始知之毒能斷腸可賊也遂遠辟不復迫視
辛未夏雨過忽來小鳥止於穗間羅之綠衣烏嘴
似倒挂么鳳軒輊才五銖極可玩寵之三日嬖兒

曰此斷腸鳥也嗜啄斷腸花子採而飼之可久活
試之果然嗚呼異矣按本草經一名鈎吻一名莖
葛一名胡蔓草一名黃藤今證之皆非也滇人謂
之火把花亦因花紅而性大熱故名陶弘景云鈎
吻言鈎人喉吻入腸爛腸是矣然所謂葉紫花黃
初生似黃精隱居斯語爲茅山黃精反復致辨無
使學長生者誤服它物已耳非篤論也若博物志
所云鈎吻蔓生葉似鳧葵則大謬矣嵇含南方草

木狀云埜葛蔓生葉如羅勒一名胡蔓草段成式
酉陽雜俎云胡蔓草生邕州之間花扁如卮色黃
白其葉黑一葉入口百竅潰血人無復生也後人
之注本草者習其說而不察遂謂鈎吻胡蔓埜葛
一物也而異其名如毛詩中螽斯莎鷄蟋蟀之類
俗謂之斷腸草復從而傳會之謂五六月間花似
檉柳生嶺南者花黃生滇南者花紅夫鈎吻言其
毒也曰蔓曰葛曰藤誤指此草爲蔓生之物更失

其真況此草之春花夏實又與櫟柳迴殊乎無亦
草之毒者不一種猶夫人之無良者不一族爲弘
景諸君子所不及詳不屑道歟惜乎爾雅未載郭
璞鄭樵未註旁引曲喻不見於三百篇故陸機陸
佃羅願輩亦未疏其義也杜甫之咏除蘘草疾惡
如讐嗟呼有世道之責者遑遑遇此毒草不知鋤
而去之而乃按劍於芝蘭之當戶可乎哉

蘆筍釋名曰筍生也象物貫地而生以匏爲之其

中空以受簧是爲匏笙女媧氏之笙也記曰絃匏
笙簧黃帝命伶倫截嶰谷之竹雌雄十二以象鳳
凰之鳴形似鳳翼故又曰鵠笙爾雅曰大笙謂之
巢小笙謂之和又云笙之大者曰箏則又可稱箏
笙矣鹿鳴之什曰吹笙鼓簧笙必有簧猶喉之有
舌也語云調鳳管炙鵠笙簧必炙而後鳴物必暖
而後生也古之善吹笙者王子晉緱山之事杳矣
不意得之蠻荒每歲孟春苗之男女相率跳月男

吹笙於前以爲導女振鈴以應之連袂把臂宛轉
盤旋各有行列其笙截竹爲管者六通其節而櫛
比之長者四尺以次而殺短至三尺參差若羽竅
其短者孔六以達於長以指捫之若撫笛然而又
截竹徑尺衡綰於六管之銜而吹之一呼一吸聲
若駕鵝之嘹漢每至看場既圓歡情欲洽則遲其
聲以媚之長管之上冒以匏短管之中置以簧簧
用嚮銅爲之恒用火炙亦古制也前人詩云管清

羅袖拂響合朱脣吹人情應節轉逸態逐聲移苗俗固不嫻音律而其應節之轉逐聲之移則又善於形容也

黔之諸苗皆用弩而其矢必傅藥治藥者爲補籠之狝家謂之補籠藥雜毒物碎而煎之以爲膏鷄犬婦人及白衣生人皆不得見凡七日比成以藥名勦者點之塗諸矢插之步叉中懸於火側時時溫養之使勿敗然後可以傷人中者與拔矢者皆

立斃又有苗能醫之用利刀自頂踵寸寸割之使
血出用口吮之血盡則以他藥傳之始可生勦藥
產粵西類勾金皮不得勦則毒不驗勦者多粵
西猶盜須禁除之段成式酉陽雜俎云南蠻有毒
藥製其刃狀如朽鐵中人無血而死亦謂之鐸刃
此或其類歟

清平凱里香爐山之陽有穴焉深可二三丈再深
則倍之於是躡其壁勘其牖捶其塹而後影見焉

或仰以升或俯以絀偃僂焉手與膝並也籩際焉
足與尻張也又虞土之崩也木度搗之火之迷也
松肪照之而後鉛獲焉其質鉛其狀石也於是舂
之淘之炙之鎔之凡蠱毒之中人浸磨取其汁而
飲之功與蓂荷葉等

山南五溪黔中皆有毒蛇烏面反鼻蟠於草中其
牙倒勾去人數步直來疾如激箭螫人立死中手
即斷手中足即斷足不然則全身腫爛百無一活

謂蝮蛇也有黃喉蛇好在舍上無毒不害人唯善食毒蛇食飽垂頭直下滴沫噴起變爲沙虱中人爲疾額上有大王字衆蛇之長常食蝮蛇

含毒者蚊蚋之屬江嶺間有之黔界尤甚爲其嚙者慎勿以手搔之但布鹽於上以物封裹半日間毒則解矣若以手搔癢不可止皮穿肉穴其毒彌甚湘衡北間有之其毒稍可峽江至蜀有蜈蚣色黑亦能咬人毒亦不甚視其生處即麤鹽樹葉背

上春間生之葉卷成窠大如菰李名爲五倍子治一切瘡毒收者曬而殺之即不化去不然者必竅穴而出飛爲蟆子矣南界有微塵色白甚小視之不見能晝夜害人雖帳深密亦不可斷以麝茶燒之烟如焚香狀即可斷之又於席鋪油帔隔之稍可滅

脆蛇長尺許圍如錢嘴尖而尾禿背黑腹白暗鱗點點可翫也生黔地伏草澤間出入往來恒有度

捕之者置竹筒於其徑則不知而入其中急持之
方可完稍緩則自碎故名脆暴之使乾已風去癘
視其身之上中下以治人之頂腹脛足罔不驗按
搜神記蛇千年則斷復續淮南子云蛇自斷其身
而自相續隋煬帝遣人求此蛇數四而至洛下所
得之者長可五尺而色黃黑其頭錦文全似金色
不能毒人解食肉若欲令自斷其身者則先觸之
令怒使不任其憤毒則自斷爲三四其斷之處如

刀截焉見其皮骨文理亦有血焉然久怒定則三四斷稍稍自相就而連續體復如故亦似不相斷隋著作郎鄧隆云此靈蛇一類自斷不必千歲也昔鐵索橋爲寇毀時值年冬伐竹夾船以濟師至春夏竹節間盡長枝葉覆水面若土殖者久之不敗雖云水氣使然然已不根矣枝葉何由茁哉黔人言往歲多旱林竹頻生花結米若粳糯色微紅而味甘民間多採摘以爲食久之則竹枯遂不復

生凡竹花則必旱蓋旱徵也

黎平城有神魚井異物潛焉雖大旱泓水而盈井
與何文烈公宅相近公生而井遂涸及公歿而井
水復溢人以公爲神魚所化論者謂宋信國公亦
係湖蛟廬陵人至今能言之兩公行事若合符節
宜其相同若是也

黔人云乙未年貴陽某帥簷柱忽生芝色正黃大
於拳經月不彫縱人觀之當時以爲瑞未幾兵敗

又某鎮將駐安順廳事中柱亦產金芝時滴漿汁取而飲之比於甘露謂可以延年不三載而亡物

固有其先見者

以上見黔書

黔無驢有好事者船載以入至則無可用放之山下虎見之龐然大物也以爲神蔽林間窺之稍出近之慙慙然莫相知他日驢一鳴虎大駭遠遁以爲且噬已也甚恐然往來視之覺無異能者益習其聲又近出前後終不敢搏稍近益狎蕩倚衝冒

驢不勝怒蹄之虎因喜計之曰技只此耳因跳踉
大噉斷其喉盡其肉乃去噫形之龐也類有德聲
之宏也類有能向不出其技虎雖猛疑畏卒不敢
取今若是焉悲夫

銅仁城南兩江交合江中一巖峙立下有洲隱水
中歲逢鄉試洲出水面郡邑諸生定有獲售者歷

驗不爽

見銅仁志

貴州通志卷四十六